

গণপ্রজাতন্ত্রী বাংলাদেশ সরকার  
আইন, বিচার ও সংসদ বিষয়ক মন্ত্রণালয়  
লেজিসলেটিভ ও সংসদ বিষয়ক বিভাগ  
কর্মসম্পাদন ব্যবস্থাপনা শাখা  
**www.legislatedivediv.gov.bd**

**বিষয়ঃ** লেজিসলেটিভ ও সংসদ বিষয়ক বিভাগের ২০২০-২১ অর্থ বছরের জাতীয় শুদ্ধাচার কৌশল (NIS) কর্ম-পরিকল্পনা বাস্তবায়নকল্পে অনুষ্ঠিত নেতৃত্ব কমিটির সভার কার্যবিবরণী।

লেজিসলেটিভ ও সংসদ বিষয়ক বিভাগের ২০২০-২১ অর্থ বছরের জাতীয় শুদ্ধাচার কৌশল (NIS) কর্ম-পরিকল্পনা বাস্তবায়নের লক্ষ্য বিগত ২৩-০৯-২০২০ খ্রিঃ তারিখ রোজ বুধবার বেলা ১১.০০ ঘটিকায় লেজিসলেটিভ ও সংসদ বিষয়ক বিভাগের সচিব ও সভাপতি, নেতৃত্ব কমিটি এর সভাপতিতে নেতৃত্ব কমিটির সভা অনুষ্ঠিত হয় (কক্ষ নং-৬২৮, ভবন নং-৪, বাংলাদেশ সচিবালয়)। সভায় সংশ্লিষ্ট সকল প্রতিনিধিদের উপস্থিতির তালিকা পরিশিষ্ট ‘ক’ তে সংযুক্ত করা হলো।

১. সভাপতি মহোদয় সভায় উপস্থিত সকলকে স্বাগত জানিয়ে সভার আলাচ্যসূচী অনুযায়ী যাবতীয় বিষয়াদি উপস্থাপনের জন্য নেতৃত্ব কমিটির সদস্য সচিব জনাব এস.এম শাফায়াত হোসেনকে আহ্বান জানান। এ পর্যায়ে তিনি সভাকে জানান যে, লেজিসলেটিভ ও সংসদ বিষয়ক বিভাগের ২০২০-২১ অর্থ বছরের জাতীয় শুদ্ধাচার কৌশল (NIS) কর্ম-পরিকল্পনা নির্ধারিত ছক মোতাবেক প্রণয়নপূর্বক ইতঃপূর্বে মন্ত্রিপরিষদ বিভাগে প্রেরণ করত: উহা এ বিভাগের ওয়েবসাইটে আপলোড করা হয়েছে। প্রণীত কর্ম-পরিকল্পনায় উল্লিখিত মেয়াদে সম্পাদিতব্য কার্যক্রমের বিপরীতে কর্মসম্পাদন সূচক অনুযায়ী পদক্ষেপ গ্রহণের বিষয়ে করণীয় কার্যক্রম নির্ধারণ সম্পর্কে পর্যালোচনাপূর্বক প্রয়োজনীয় ব্যবস্থা গ্রহণ করার জন্য অদ্যকার সভার আয়োজন করা হয়েছে।

২. জনাব এস.এম শাফায়াত হোসেন আরো জানান, ২০১৯-২০ অর্থ বছরে এ বিভাগের শুদ্ধাচার কৌশল (NIS) কর্ম-পরিকল্পনার বাস্তবায়ন অগ্রগতি বিষয়ে মন্ত্রিপরিষদ বিভাগে অনুষ্ঠিত পর্যালোচনা সভায় কার্যক্রমের বিপরীতে নেতৃত্ব কমিটির সভা এবং উক্ত সভার সিদ্ধান্ত বাস্তবায়নসহ বিভিন্ন কর্মসম্পাদন সূচক বিষয়ে সকল পদক্ষেপ গৃহীত হয়নি বিধায় কাঞ্চিত লক্ষ্য অর্জিত হয়নি। তৎপ্রেক্ষিতে ২০২০-২১ অর্থ বছরে এ বিভাগের শুদ্ধাচার কৌশল (NIS) কর্ম-পরিকল্পনার বাস্তবায়ন ত্বরান্বিত করে কাঞ্চিত লক্ষ্য অর্জনে ইতঃপূর্বে বাস্তবায়িত হয়নি সেইসকল কার্যক্রম চিহ্নিত করে নির্ধারিত কার্যক্রম বাস্তবায়নের জন্য প্রয়োজনীয় পদক্ষেপ গ্রহণ করতে হবে।

৩. এ পর্যায়ে সচিব মহোদয় বলেন যে, শুদ্ধাচার কর্ম-পরিকল্পনা বাস্তবায়নে নিমিত্ত সংশ্লিষ্ট দপ্তর/শাখাকে প্রয়োজনীয় পদক্ষেপ গ্রহণ করতে হবে এবং এ বিষয়ে প্রয়োজনীয় কার্যক্রম ও উদ্যোগ গ্রহণের জন্য তিনি সংশ্লিষ্ট কর্মকর্তা-কর্মচারীকে সম্পৃক্ত করার জন্য নির্দেশ প্রদান করেন।

৪. সভায় নিম্নরূপ সিদ্ধান্ত গৃহিত হয়, যথা:-

- ক) লেজিসলেটিভ ও সংসদ বিষয়ক বিভাগের কর্মকর্তা-কর্মচারীগণের অংশগ্রহণে এ বিভাগের প্রশিক্ষণ ও প্রতিবেদন শাখা কর্তৃক সুশাসন সংশ্লিষ্ট বিষয়ে প্রশিক্ষণ প্রদানের প্রয়োজনীয় কার্যক্রম গ্রহণ করতে হবে;
- খ) লেজিসলেটিভ ও সংসদ বিষয়ক বিভাগের ওয়েবসাইটের বিভিন্ন সেবাবক্রসমূহ নিয়মিতভাবে আইসিটি সেল কর্তৃক হালনাগাদ করতে হবে;
- গ) বিভিন্ন আইন/অধ্যাদেশ/বিধিমালা/প্রবিধানমালা/চুক্তি, ইত্যাদির খসড়া প্রণয়ন বা ভেটিংকালীন প্রশাসনিক মন্ত্রণালয়ের সাথে, সময়ে সময়ে, অনুষ্ঠিত অংশীজনের অংশগ্রহণের পরামর্শ সভার নোটিশ ও হাজিরাশীট কর্মসম্পাদন ব্যবস্থাপনা শাখায় প্রেরণ করতে হবে;
- ঘ) সচিবালয় নির্দেশমালা, ২০১৪ অনুযায়ী নথির শ্রেণিবিন্যাস/শ্রেণিবিন্যাসকৃত নথি যথাসময়ে বিনষ্টকরণের উদ্যোগ গ্রহণের জন্য সংশ্লিষ্ট শাখাসমূহকে পত্র প্রেরণ করতে হবে; এবং
- ঙ) শুদ্ধাচার পুরস্কার প্রদানের জন্য বাছাই কমিটি গঠন করতে হবে।

সভায় আর কোন আলাচ্যসূচী না থাকায় সচিব মহোদয় সকলকে শুভেচ্ছা ও অভিবাদন ব্যক্ত করে সভার সমাপ্তি ঘোষনা করেন।

তারিখ: ২৪-০৯-২০২০ খ্রি।

  
১. ২৪ সেপ্টেম্বর ২০২০  
(মো: মহিনুল কবির)

সচিব

এবং

সভাপতি নৈতিকতা কমিটি